



Inatsisartunut ilaasortaq,
Aqqalu C. Jerimiassen
Atassut
Maani/

Akuersissutit pillugit § 37 naapertorlugu apeqqummut nr. 228-mut akissut
Inatsisartut suleriaasissaanni § 37 imm. 1 naapertorlugu akuersissutit pillugit
Naalakkersuisunut apeqquteqaateqarputit. Apeqquq suliaasaqarfisannit
akineqartussanngorlugu innersuunneqarpoq.

**1. Ukioq nutaamiit licensstop atorunnaarnissaanut Naalakkersuisut allamik
aaqqiissutissamik pilersaaruteqarpat?**

Akissut: Aalisarsinnaanermut akuersissutit pisassiissutillu pillugit nalunaarummik 2020-
mi Naalakkersuisut iluarsineratigut §7, imm. 5 aqutugalugu periarfissaq una
ammaanneqarpoq; ull. 1. juli kingorna angallatinit pisassiissutinit nuunneqarsinnaasunik
aalisarneqarsimanngitsunik peqarpat, ukiup siulianut annertussutsit
aalisarneqarsimanngitsut utertiinnarnagit, aqutsiveqarfik 47-mi sinerissami qanittumi
angallatit umiatsiaaqqallu akornanni annertussuseq taanna Naalakkersuisut
agguaatseqqissinnaavaat. Aqutsiveqarfik 47-mi umiatsiaararsortunut qaammatit
pingasukkaarlugit pisassiissutit 2022-mi Naalakkersuisut atuutilersippaat, tassani
aalisarnerup matunissaa pisariaqarsimanngilaq, ilaatigut pissutigalugu angallatinut
pisassiissutit nuunneqarsinnaasut aalisarneqanngitsoortut 3.662 tonsit 2022-mi
umiatsiaararsortunut nuunneqarmata. Suli 581 tonsit sillimmatit 2022-mi
agguaanneqanngitsut sinnerupput, Upernavimmi, Ummannami aamma Qeqertarsuup
Tunuani 2022-mut pisassiissutit qaqinneqarnissaat ilimagineqanngilaq.

Tamatuma saniatigut Aalisarneq pillugu inatsisissamut nutaammut missingiut
Naalakkersuisut inaarsarpaat, tassani ilaatigut qimerloorneqarpoq sinerissap qanittuani
qalerallinniarnermik aqutsineq.

**2. Licensinik killeqanngitsumik tunioraasoqalissappat pisassat
nungupallattarsinnaanissaat Naalakkersuisut qanoq
iliuuseqarfigisinnaanissaanik
eqqanaarinnissuteqarpat?**

Akissut: Erseqqissarneqassaaq, akuersissutinik killeqanngitsumik tunioraaneq
pineqanngimmat. Sinerissap qanittuani aalisarnermut akuersissut pisinnaajumallugu
akuersissutinut pisassiissutinullu Nalunaarummi §10-mi piunasaqaatit suli
naammassisariaqarput.

**3. Aalisarnermut isumalioqatigiisitsarsuup suliaanut naammassereersumut
licensstop
atorunnaassappat Naalakkersuisut anguniakkamut assortortuusorinngilaat?**

Akissut: Aalisarneq pillugu Ataatsimiititaliarsuup isumaliutissiissutaani innersuussutit
aalisarneq pillugu inatsisissamik nutaamik suliaqarnitsinni ilanngutitippavut. Kisianni
tassa Naalakkersuisut inassuteqaataattut aalisarneq pillugu inatsisissamut nutaamut

Ulloq: 20-12-2022
Suliat normua: 2022 - 25575
All. nr. 22063585
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

siunnersuut Kalaallit Nunaannit aalisarnerup tungavissaanut naalackersuinikkut
kissaatigisanik tungaveqarpoq.

Inussiarnersumik inuulluaqqusilluta


Karl Tobiassen

Aalisarnermut Piniarnermullu Naalackersuisoq